

জনতা ব্যাংক লিমিটেড
প্রধান কার্যালয়
৪৮ মতিঝিল বাণিজ্যিক এলাকা
ঢাকা

রিকভারী ডিপার্টমেন্ট-১

নির্দেশ বিজ্ঞপ্তি নং-৭৪৫/১৭

তারিখঃ ১৪.০৫.২০১৭ ইং
৩১শে বৈশাখ ১৪২৪ বাং

সকল মহাব্যবস্থাপক
উপ-মহাব্যবস্থাপক/সহকারী মহাব্যবস্থাপক
ডিভিশনাল অফিস/লোকাল অফিস/জনতা ভবন কর্পোঃ শাখা/
এরিয়া অফিস/কর্পোরেট শাখাসমূহ/
সকল শাখা ব্যবস্থাপক
জনতা ব্যাংক লিমিটেড
বাংলাদেশ।

বিষয়: ১৬ মে/২০১৭ হতে ১৫ জুন/২০১৭ পর্যন্ত খেলাপী ঋণ আদায় মাসে"বিশেষ ঋণ আদায় কর্মসূচী"পরিপালন প্রসংগে।

প্রিয় মহোদয়,

২০১৭ সনে ব্যাংকের শ্রেণীকৃত ঋণের হার সিঙ্গেল ডিজিটে নামিয়ে আনার লক্ষ্যে বিভিন্ন কার্যক্রমের সমন্বয়ে প্রণীত কর্ম-পরিকল্পনা (Action Plan)-২০১৭ নির্দেশ বিজ্ঞপ্তি নং ৭৩০/১৭ তারিখ ০২.০৩.২০১৭ এর মাধ্যমে সকলকে অবহিত করা হয়েছে। উক্ত কর্ম-পরিকল্পনা যথাযথভাবে বাস্তবায়ন করে চলতি বছরে শ্রেণীকৃত ঋণ কমিয়ে আনতে হবে। মার্চ/২০১৭ ত্রৈমাসিকের সিএল বিবরণী পর্যালোচনায় দেখা যায় যে, ২০১৬ সালের ডিসেম্বরের শ্রেণীকৃত ঋণ ৫৯৩৬ কোটি টাকা, হার ১৪.৭৩%, যা মার্চ/১৭ কোয়ার্টারে শ্রেণীকৃত ঋণ বৃদ্ধি পেয়ে দাড়িয়েছে ৬৫৩৭ কোটি টাকা, হার ১৬.০৪%। ইহা অত্যন্ত উদ্বেগজনক। শ্রেণীকৃত ঋণের এই ক্রমাগত বৃদ্ধি ব্যাংকের সাফল্যের ধারাকে বাধাঘস্ত করে তুলছে।

এপ্রিল/২০১৭ পর্যন্ত নগদ আদায়ের আনুপাতিক লক্ষ্যমাত্রার বিপরীতে অর্জনের হার ৩৭.১৭%, যাহা আশাব্যঞ্জক নয়। প্রধান কার্যালয়সহ মাঠ পর্যায়ের সকল নির্বাহী/কর্মকর্তা ও কর্মচারীগণ সম্মিলিতভাবে আদায় কার্যক্রমে অংশগ্রহণ করে ডিসেম্বর/২০১৭ এর মধ্যে নগদ আদায়ের বার্ষিক লক্ষ্যমাত্রা এবং মাসিক আনুপাতিক লক্ষ্যমাত্রাও অর্জন করতে হবে। উল্লেখ্য, কোন শাখা ব্যবস্থাপক নগদ আদায়ে আনুপাতিক লক্ষ্যমাত্রা অর্জন করতে ব্যর্থ হলে সেক্ষেত্রে তাকে ব্যক্তিগতভাবে কর্তৃপক্ষের নিকট জবাবদিহি করতে হবে।

এছাড়াও, আদায় অগ্রগতি বিবরণী পর্যালোচনায় দেখা যাচ্ছে যে, অধিকাংশ কার্যালয়ের আদায় ও হ্রাসের আনুপাতিক লক্ষ্যমাত্রাও অর্জিত হয়নি যা কর্তৃপক্ষ সমীপে উপস্থাপন করা হলে, কর্তৃপক্ষ কর্তৃক নগদ আদায়ের আনুপাতিক লক্ষ্যমাত্রা অর্জন নিশ্চিত করতে হবে এবং অন্যান্য পন্থা অবলম্বন করে শ্রেণীকৃত ঋণ হ্রাস করতে হবে মর্মে নির্দেশনা প্রদান করা হয়। সেলক্ষ্যে মনিটরিং বা ফলোআপ শুধুমাত্র চিঠিপত্রের মাধ্যমে সীমাবদ্ধ না রেখে ঋণগ্রহীতার সাথে ব্যক্তিগতভাবে যোগাযোগ করতে হবে এবং যে সমস্ত খেলাপী ঋণ মামলাধীন রয়েছে তা নিষ্পত্তির লক্ষ্যে আদালতের বাইরে গ্রাহকের সাথে সমঝোতার মাধ্যমে শ্রেণীকৃত ঋণ হ্রাস করার জন্য কর্তৃপক্ষ কর্তৃক নির্দেশনা প্রদান করা হয়। এ লক্ষ্যে কেইস টু কেইস ঋণহিসাব ভিত্তিতে ফলোআপ করে শ্রেণীকৃত ঋণ হ্রাস করতে হবে।

আপনারা অবগত আছেন যে, ২০১৭ সালের স্লোগান হল Recovery, Recovery & Recovery.

এ প্রেক্ষিতে ২০১৭ সালে নগদ আদায়কে সর্বোচ্চ গুরুত্ব প্রদান করা হয়েছে। এ লক্ষ্যে বছরের শুরুতে প্রধান কার্যালয় হতে মাঠ পর্যায় পর্যন্ত সকল নির্বাহী/কর্মকর্তা ও কর্মচারীদের নিরলস প্রচেষ্টার মাধ্যমে গত বছরের তুলনায় চলতি বছরে নগদ আদায় বৃদ্ধি করার কার্যক্রম জোরালোভাবে পরিচালনা করতে হবে।

যে সকল কার্যালয়/শাখায় এসএমএ (SMA) ভুক্ত ঋণ বৃদ্ধি পেয়েছে, তা জুন/২০১৭ এর মধ্যে নিয়মিত করতে হবে। কোন অবস্থাতেই এসএমএ ভুক্ত ঋণ শ্রেণীকৃত ঋণে পরিনত করা যাবে না এবং নতুনভাবে শ্রেণীকৃত ঋণ দ্রুততার সঙ্গে নিয়মিত করতে হবে।

এমতাবস্থায়, ব্যাংকের খেলাপী ঋণসহ সকল প্রকার ঋণ হতে নগদ আদায়সহ অন্যান্য মাধ্যমে শ্রেণীকৃত ঋণ হ্রাসের লক্ষ্যে কর্তৃপক্ষের অনুমোদনক্রমে "১৬ মে হতে ১৫ জুন/২০১৭ পর্যন্ত সময়কে আদায় মাস" হিসাবে ঘোষণা করা হল। উক্ত মাসে বিশেষ ঋণ আদায় কর্মসূচী পরিপালন করা হবে।

২.০ "বিশেষ ঋণ আদায় কর্মসূচী" পরিপালন উপলক্ষ্যে সকল বিভাগীয় কার্যালয়/এরিয়া অফিস/লোকাল অফিস/জনতা ভবন কর্পোঃ শাখা/সকল কর্পোরেট শাখাসহ অন্যান্য শাখাসমূহকে অপর পৃষ্ঠায় বর্ণিত কার্যক্রম গ্রহণের জন্য পরামর্শ দেয়া হলঃ



ক্রমশঃ পাতা-২

বিষয়: ১৬ মে/২০১৭ হতে ১৫ জুন/২০১৭ পর্যন্ত খেলাপী ঋণ আদায় মাসে "বিশেষ ঋণ আদায় কর্মসূচী" পরিপালন প্রসংগে।

২.১ **ব্যানার স্থাপন:** ১৬ মে হতে ১৫ জুন/২০১৭ পর্যন্ত সময়কালীন মাসব্যাপী "বিশেষ ঋণ আদায় কর্মসূচী" পরিপালন উপলক্ষ্যে সকল শাখা ও কার্যালয়ে খেলাপী/শ্রেণীকৃত ঋণ আদায় সংক্রান্ত ব্যানার শাখার সামনে সকলের দৃষ্টিগোচর হয় এমন জায়গায় লাগাতে হবে যার নমুনা নিম্নরূপ:

(জনতা ব্যাংক লিমিটেডের মনোপ্রাম) জনতা ব্যাংক লিমিটেড
.....শাখা/কার্যালয়

১৬/০৫/১৭ হতে ১৫/০৬/১৭ পর্যন্ত খেলাপী ঋণ আদায় মাসে
“বিশেষ ঋণ আদায় কর্মসূচী” পরিপালন করা হচ্ছে।

“শহীদের সব গুনাহ-ই মাফ করে দেয়া হবে, মাফ হবে না শুধু তার ঋণ।”
-মুসলিম শরিফ

আসুন, আদায় মাসে খেলাপী ঋণ পরিশোধ করে ভবিষ্যত বংশধরকে ঋণ মুক্ত করি।

উল্লেখিত ব্যানারটি আবশ্যিকভাবে ডিজিটাল হবে, যার মূল্য ১,০০০/-টাকার মধ্যে হতে হবে। এতদসংক্রান্ত যাবতীয় খরচ স্থানীয়ভাবে পরিশোধ করতে হবে।

২.২ খেলাপী ঋণ আদায়ের লক্ষ্যে প্রয়োজনে প্রধান কার্যালয়/স্ব স্ব বিভাগীয় কার্যালয় প্রধানের অনুমতি গ্রহণ সাপেক্ষে বৃহৎ শাখার শীর্ষ-৫০ এবং অন্যান্য শাখার শীর্ষ-২০ খেলাপী ঋণ গ্রহীতাদের তালিকা প্রধান কার্যালয়, বিভাগীয় কার্যালয়, এরিয়া অফিস ও শাখার প্রধান ফটকে যা সহজে দৃষ্টিগোচর হয় এমন জায়গায় টাঙ্গাতে হবে।

২.৩ প্রধান কার্যালয় "বিশেষ ঋণ আদায় কর্মসূচী" পালনের বিজ্ঞপ্তি (পতাকা-খ) তথ্য মন্ত্রণালয়ের তালিকাভুক্ত বহুল প্রচারিত ২টি জাতীয় দৈনিক বাংলা পত্রিকায় প্রকাশ করবে। এছাড়াও ঢাকা শহরস্থ বিভাগীয় কার্যালয়, এরিয়া অফিস ব্যতীত অন্যান্য বিভাগীয় কার্যালয়/এরিয়া অফিস এর আওতাধীন অধিক পল্লীঋণ সম্বলিত শাখাসমূহ জেলা/উপজেলায় স্থানীয়ভাবে প্রকাশিত তথ্য মন্ত্রণালয়ের তালিকাভুক্ত ২টি বাংলা পত্রিকায় "বিশেষ ঋণ আদায় কর্মসূচী" পালনের বিজ্ঞপ্তি (পতাকা-খ) প্রকাশ করবে। পত্রিকায় বিজ্ঞপ্তি প্রকাশের জন্য প্রকাশনা ব্যয় প্রধান কার্যালয়ের জনসংযোগ ডিপার্টমেন্টের মাধ্যমে পরিশোধ করা হবে।

২.৪ **ঋণ আদায়ের জন্য মাইকিং করা:** ১৬ মে হতে ১৫ জুন/২০১৭ পর্যন্ত সময়কালীন খেলাপী ঋণ পরিশোধের জন্য পাড়া, মহল্লা ও বাজারসহ শাখা সংশ্লিষ্ট সকল জায়গায় মাইকিং এর ব্যবস্থা করতে হবে।

২.৫ **আদায়ের জন্য সাময়িকভাবে জনবল পদস্থাপন:** "বিশেষ ঋণ আদায় কর্মসূচী" পরিপালন কালে বিশেষ ব্যবস্থায় বিভাগীয় কার্যালয়/এরিয়া অফিস সমূহ হতে যোগ্য নির্বাহী/কর্মকর্তাকে অধিক শ্রেণীকৃত ঋণ সম্পৃক্ত শাখায় সাময়িকভাবে পদস্থাপনপূর্বক শাখার সাথে যৌথভাবে শ্রেণীবিন্যাসিত ও অবলোপনকৃত ঋণ আদায়ের কার্যক্রমে অংশ গ্রহণের বিষয়টি সংশ্লিষ্ট মহাব্যবস্থাপকগণ ব্যবস্থা করবেন।

২.৬ **ঋণ আদায় মেলা আয়োজন:** খেলাপী ঋণ আদায়ের জন্য ১৬ মে হতে ১৫ জুন/২০১৭ পর্যন্ত সময়ের মধ্যে একাধিকবার খেলাপী ঋণ আদায় মেলা আয়োজন করতে হবে। ঋণ মেলা অবশ্যই জনবহুল এবং ব্যবসায়িক দিক থেকে গুরুত্বপূর্ণ স্থানে হতে হবে। শাখা সমূহ কর্তৃক ঋণ আদায় মেলা আয়োজনের ক্ষেত্রে স্থান, সময় ও আনুষঙ্গিক বিষয় সম্পর্কে নিয়ন্ত্রণকারী কার্যালয়ের মতামত/অনুমোদন গ্রহণ করতে হবে। খেলাপী ঋণ আদায় মেলায় শাখা/কার্যালয়ের সংশ্লিষ্ট নির্বাহী/কর্মকর্তা/কর্মচারীগণকে সক্রিয় অংশগ্রহণ করতে হবে। ঋণ আদায় মেলায় অংশ গ্রহণের জন্য উক্ত এলাকার ডিরেক্টর মহোদয়গণকে আমন্ত্রণ করা যাবে। ডিএমডি (এসএএমডি), জিএম (এসএএমডি), রিকভারী ডিপার্টমেন্ট-১,২,৩ এর ডিজিএমগণ এবং এমডি'স রিকভারী সেল, প্রধান কার্যালয় এর ডিজিএম/এজিএমগণ পর্যায়ক্রমে ঋণ মেলাসমূহে অংশগ্রহণ করবেন।

আদায় মাসে "বিশেষ ঋণ আদায় কর্মসূচী" পরিপালন কালে জিএম, বিভাগীয় কার্যালয় তাঁর নিয়ন্ত্রনাধীন শাখায় সাপ্তাহিক ভিত্তিতে পরিদর্শন পূর্বক আদায় কার্যক্রম পর্যালোচনা করে দিকনির্দেশনা প্রদান করবেন, যা ডিএমডি (এসএএমডি)কে অবহিত করবেন।

বিভাগীয় অফিস/এরিয়া/কর্পোরেট শাখা ও শাখা প্রধানগণকে ন্যূনতম নিম্নোক্ত সংখ্যক ঋণ আদায় মেলার আয়োজন ও অংশ গ্রহণ করতে হবে:-

কার্যালয়/শাখা	কতটি ঋণ আদায় মেলায় অংশ গ্রহণ করতে হবে
বিভাগীয় কার্যালয়	ন্যূনতম ৪(চার)টি ঋণ আদায় মেলা
এরিয়া অফিস	ন্যূনতম ৮(আট) টি ঋণ আদায় মেলা
লোকাল অফিস ও জনতা ভবন কর্পোঃ শাখা	ন্যূনতম ৪(চার) টি ঋণ আদায় মেলা
কর্পোরেট শাখা(গ্রুড-১/২)	ন্যূনতম ৩(তিন) টি ঋণ আদায় মেলা
অন্যান্য শাখা	ন্যূনতম ২(দুই)টি ঋণ আদায় মেলা

২.৭ **রিকভারী টিম প্রেরণ:**

বিশেষ ঋণ আদায় কর্মসূচী পরিপালন মাসে প্রধান কার্যালয়/বিভাগীয়/এরিয়া অফিস থেকে খেলাপী ঋণ আদায় কার্যক্রমে সরাসরি অংশ গ্রহণ এবং মনিটরিং কাজের জন্য নির্বাহী এবং কর্মকর্তাদের সমন্বয়ে রিকভারী টিম গঠন পূর্বক মাঠ/শাখা পর্যায়ে প্রেরণ করতে হবে। এ ব্যাপারে বিভাগীয় কার্যালয়/এরিয়া অফিস প্রধান কার্যালয়ের রিকভারী ডিপার্টমেন্ট-১ এর সাথে যোগাযোগ স্থাপন করবে। প্রতিটি টিম "বিশেষ ঋণ আদায় কর্মসূচী" পরিপালনকল্পে ন্যূনতম ২টি ঋণ আদায় মেলার আদায় কার্যক্রমে অংশ গ্রহণ করবেন।

বিষয়: ১৬ মে/২০১৭ হতে ১৫ জুন/২০১৭ পর্যন্ত খেলাপী ঋণ আদায় মাসে "বিশেষ ঋণ আদায় কর্মসূচী" পরিপালন প্রসংগে।

২.৮ লাল রঙের পত্র প্রেরণ:

খেলাপী ঋণ আদায়ের জন্য ইতোপূর্বে প্রচলনকৃত লাল পোস্ট কার্ডে পত্র প্রেরণ অব্যাহত রাখতে হবে (পত্রের নমুনা নিঃবিঃ ৩৯৭৬ তারিখ ১৩.১২.০৭ এর সাথে সংযুক্ত আছে)। এছাড়াও প্রয়োজনে ইউএনও/ওসি কর্তৃক স্বাক্ষরিত বিশেষ নোটিশ ঋণ গ্রহীতা বরাবর প্রেরণ করা যাবে।

২.৯ সেমিনার/সভা আয়োজন:

শীর্ষ খেলাপী ঋণগ্রহীতাদের নিকট থেকে ঋণ আদায়ের নিমিত্তে এরিয়া ও কর্পোরেট শাখায় নির্বাহী/কর্মকর্তা/কর্মচারী, এলাকার বিশিষ্ট ব্যক্তি, স্বনামধন্য গ্রাহক এবং ঋণ খেলাপীদের সমন্বয়ে সেমিনার/সমাবেশ/আলোচনা সভার আয়োজন করতে হবে এবং নগদ আদায়সহ সুদমওকুফ/পুনঃতফসিল এর মাধ্যমে শ্রেণীকৃত/খেলাপী ঋণ নিয়মিত করার জন্য তাদেরকে উদ্বুদ্ধ করতে হবে।

৩.০ অন্যান্য কার্যক্রম:

উপরে ২.১-২.৯ নং অনুচ্ছেদে বর্ণিত কার্যক্রম গ্রহণ করা ছাড়াও, শ্রেণীকৃত ঋণ আদায় বৃদ্ধিকল্পে নিম্নবর্ণিত কার্যাবলী সম্পাদন করতে হবে;

৩.১ আলোচ্য সময়ে স্ব স্ব কার্যালয়/শাখার শীর্ষ-২০ খেলাপী ঋণ গ্রহীতাসহ সকল খেলাপী ঋণ গ্রহীতাদের সাথে সাক্ষাত করে নগদ আদায়ের ব্যবস্থা গ্রহণ করতে হবে। এ লক্ষ্যে, শাখা/এরিয়ার সকল নির্বাহী/কর্মকর্তা/কর্মচারী সম্মিলিতভাবে নগদ আদায়ে বিশেষ প্রোগ্রাম গ্রহণ করতে হবে। বিশেষ প্রোগ্রামের আওতায় দায়িত্ব প্রাপ্ত রিকভারী অফিসারগণ প্রতিদিন ঋণ গ্রহীতার সাথে সাক্ষাতের অগ্রগতি শাখা ব্যবস্থাপককে অবহিত করে দিক নির্দেশনা গ্রহণ করবেন। উক্ত নির্দেশনার আলোকে পরবর্তী কার্যক্রম পরিচালনা করবেন। প্রয়োজনে এরিয়া প্রধানগণ শাখা ব্যবস্থাপককে এ ব্যাপারে সহযোগিতা প্রদান করে নগদ আদায় কার্যক্রমকে আরো বেগবান ও ত্বরান্বিত করবেন।

৩.২ যে সকল ঋণ ক্ষতি শ্রেণীকৃত, মামলা দায়েরকৃত ও অবলোপনযোগ্য সে সকল ঋণের অবলোপন প্রস্তাব "বিশেষ ঋণ আদায় কর্মসূচী" পরিপালন কালে দ্রুত প্রেরণের ব্যবস্থা নিশ্চিত করতে হবে।

৩.৩ শ্রেণীকৃত ঋণকে নিয়মিত ঋণে পরিণত করতে হলে ঋণ পুনঃতফসিল করা প্রয়োজন। এলক্ষ্যে আলোচ্য সময়ে পুনঃতফসিল নীতিমালার আওতায় প্রয়োজনীয় ডাউন পেমেন্ট গ্রহণ করে দ্রুত অধিক সংখ্যক পুনঃতফসিল করণের প্রস্তাব জরুরীভাবে প্রধান কার্যালয়ে প্রেরণের ব্যবস্থা নিতে হবে।


৩.৪ সুদমওকুফ নীতিমালার আওতায় সুদমওকুফযোগ্য অধিক সংখ্যক সুদমওকুফ প্রস্তাব প্রেরণের ব্যবস্থা নিতে হবে।


৩.৫ চলতি বছরেও মামলা নিষ্পত্তি করে ঋণ আদায়ের বিশেষ পরিকল্পনা নেয়া হয়েছে, যা অব্যাহত থাকবে। এ লক্ষ্যে বিশেষ ঋণ আদায় কর্মসূচী পরিপালন মাসে সংশ্লিষ্ট আইনজীবীদের নিয়ে নূন্যতম ২টি আলোচনা সভার আয়োজন করে অধিক সংখ্যক মামলা/রিট নিষ্পত্তি করতে হবে।

৪.০ ১৬ মে হতে ১৫ জুন/২০১৭ পর্যন্ত মাস ব্যাপী "বিশেষ ঋণ আদায় কর্মসূচী"র সফল বাস্তবায়ন ও পরিপালন সংক্রান্ত যাবতীয় কার্যক্রম ফলোআপ/মনিটর করার জন্য নিয়ন্ত্রণকারী সকল বিভাগীয়, এরিয়া ও শাখা প্রধানগণকে অনুরোধ করা হল।

আশা করা যায়, মাঠ পর্যায়ে কর্মরত সকল স্তরের নির্বাহী/কর্মকর্তা/কর্মচারীগণের সক্রিয় অংশ গ্রহণে বর্ণিত কার্যক্রম সফলভাবে বাস্তবায়নের মাধ্যমে নগদ আদায়সহ সামগ্রিকভাবে ব্যাংকের খেলাপী/শ্রেণীকৃত ঋণ আদায় ও হ্রাস করার সর্বাঙ্গিক প্রচেষ্টা গ্রহণ করে জুন/১৭ এর মধ্যে আনুপাতিকহারে লক্ষ্যমাত্রা অর্জন করা সম্ভব হবে।

আপনার বিশ্বস্ত,


(মোঃ হাদিকুল ইসলাম)
উপ-মহাব্যবস্থাপক


(মোঃ জসীম উদ্দিন)
মহাব্যবস্থাপক (এসএএমডি)

বিতরণ:

১. পিএস টু সিইও এন্ড এমডি, জনতা ব্যাংক লিঃ, প্রধান কার্যালয়, ঢাকা।
২. ব্যক্তিগত সহকারী, কোম্পানী সেক্রেটারী, কোম্পানী এ্যাকাউন্ট্যান্ট ডিপার্টমেন্ট, জনতা ব্যাংক লিঃ, প্রধান কার্যালয়, ঢাকা।
৩. উপ-ব্যবস্থাপনা পরিচালকদের একান্ত সচিব, জনতা ব্যাংক লিমিটেড, প্রধান কার্যালয়, ঢাকা।
৪. সকল মহাব্যবস্থাপকের ব্যক্তিগত সহকারী, জনতা ব্যাংক লিমিটেড, প্রধান কার্যালয়, ঢাকা/লোকাল অফিস, ঢাকা/জনতা ভবন কর্পোঃ শাখা, ঢাকা/বিভাগীয় কার্যালয়, ঢাকা-দক্ষিণ/ঢাকা-উত্তর/চট্টগ্রাম/রাজশাহী/খুলনা/রংপুর/বরিশাল/সিলেট/কুমিল্লা/ময়মনসিংহ/ফরিদপুর।
৫. চীফ এক্সিকিউটিভ, জনতা ব্যাংক লিমিটেড, আবুধাবী, সংযুক্ত আরব আমিরাত।
৬. চীফ এক্সিকিউটিভ, জনতা ক্যাপিটাল এন্ড ইনভেস্টমেন্ট লিমিটেড, ৪৮ মতিঝিল বা/এ, ঢাকা।
৭. প্রিন্সিপাল (জিএম), স্টাফ কলেজ, ঢাকা।
৮. এমডি, জনতা এক্সচেঞ্জ কোম্পানী, এস আর এল, ইটালী/নিউইয়র্ক, যুক্তরাষ্ট্র।
৯. অফিস নথি।

এ

জনতা ব্যাংক লিমিটেড
প্রধান কার্যালয়
৪৮ মতিঝিল বাণিজ্যিক এলাকা
ঢাকা

পতাকা-খ

রিকভারী ডিপার্টমেন্ট-১

২টি জাতীয় দৈনিক বাংলা পত্রিকায় এবং স্থানীয়ভাবে প্রকাশিত ২টি বাংলা পত্রিকায় প্রকাশিতব্য বিষয়বস্তু :

(জনতা ব্যাংক লিমিটেডের মনোপ্রাম) জনতা ব্যাংক লিমিটেড
.....শাখা/কার্যালয়

১৬/০৫/১৭ হতে ১৫/০৬/১৭ পর্যন্ত খেলাপী ঋণ আদায় মাসে
“বিশেষ ঋণ আদায় কর্মসূচী” পরিপালন করা হচ্ছে।

“শহীদের সব গুনাহ-ই মাফ করে দেয়া হবে, মাফ হবে না শুধু তার ঋণ।”

-মুসলিম শরিফ

আসুন, আদায় মাসে খেলাপী ঋণ পরিশোধ করে ভবিষ্যত বংশধরকে ঋণ মুক্ত করি।